

177639



PRODROMVS  
SERENISSMI ET POTENTISSMI  
SIGISMVNDI  
III POLONIARVM

ET SVECIAE REGIS MAGNI DV-  
cis Lithuaniae &c. Amplissimarum Terrarū  
Moschouiae Triumphatoris Felicissimi,  
de capta arce Smolenscensi.

13. Iunij Anno. 1611.



CALISSII,  
In Officina Alberti Gedelij, Anno Dñi,  
1611.



AD LECTOREM.

**C**Um tarda volitat fama quòd Prodrumus iste  
Pegasei nec iter conficit instar equi;  
Miraris? Via longa fuit. Sed tempore paruo  
Fama, nouis, orbem nonnè replere solet?  
Trita via, haud sonipes remoratus Prodromon. Esto.  
Certa noua vt posset dicere, tardus erat.

ALIVD.

**A**E Mulus aduersus Famæ, veri inscius autor,  
In vulgus Rumor plurima falsa dedit.  
Mænia Smolensko nondum celsisse furori  
Martis SISMVNDI, nec subiisse iugum.  
Concrepat en pleno cornu prænuntia veri  
Fama; & Rumoris vox stata, VICIT, ait.



177639  
Lb



**S**Molenscum inter vrbes Moscho: Imperiū  
singulare defensionis præfidiū à primo pacti  
fæderis auspicio, cum Magno Ducatu Li-  
tuaniæ, ac totū Seueriense territoriū à Re-  
gibus Poloniæ vectigalium iure censeban-  
sur, quoad nefarii proditoris leuiter offensi fraude  
& dolo violati Sacramenti proditum, & non agnita an-  
norum decursu Magni Moschorum Principis, traditū  
imperio. Ad eius recuperationem in Polonia regnatu-  
ri sacramento adigebantur, vtq; in eam cogitationem  
feriò incumberent Senatus, & Procerum consiliis, per-  
petuò sollicitabantur. Verumenimuerò cū arma Po-  
lonorum per id tempus quā foris, quā domi, fessa ani-  
mos volentium distinerent; rei bene gerendę Sigis-  
mundo eius nominis Tertio, pro maximi animi Prin-  
cipi, occasionem & campum liberrimum præbuit, ius  
gentium, & ius hospitii violatū: Tum impostoris qui  
se Magnum Ducem hæreditario successu venditabat,  
effrænata audacia: & præsens, si barbari moram præuer-  
tissent, Reipub. periculum; Deniq; incolarū non ob-  
scura animorum propensio, & vindicandæ desiderium  
libertatis. Postquam expeditione decreta oppugnatio  
in biennium fermè, siue Regis clementia, siue illius gē-  
tis astu



vis astu & pertinacia extraheretur; cum nec disiectorū  
murorum ruīnē, nec frequens inclusorum, contagione  
sæuiente mors, nec Castellorum deditorum in dies ad-  
crescens multitudo, deniq; fusa, fugataq; auxilia, quæ  
præsidio salutis esse debuerāt; captiui Duces apud per-  
tinaces, & desperatione obstinatos animos quidquam  
momenti habuissent; in castris verò cōmeatus difficul-  
tate itinerum adducta inopia, & protracta stipendia li-  
cet periculoso labore premerent, & sola in Patriam ac  
Reges germana fides, & qua nullus maior fructus glo-  
riæ cupido detinerēt; Rex celeritate magis, quàm pro-  
crastinatione vtendum ratus, peritissimo stratagemat-  
um, & artis militaris Iacobo Potocio qui copiarum  
Poloni exercitus regimen habuit, curam maturadi ne-  
gotii mandat, vt dirutis murorū propugnaculis, quæ  
Kozakorum castra respiciebant, hostem munitionibus  
restaurandis, diurno nocturnoq; opere fatigatum, illi  
maximè loco attentum, affigerent. Cōpertis omnibus  
in promptu, quæ insultui non frustra faciendo subser-  
uirent, nocte concubia Præfectos, & militem ad nutū  
esse iubet, castris sensim produci machinas, expediri  
demolitioni præpropere necessarias. Quadripartito  
exercitu oppugnationem aggrediuntur: ab vna parte  
Potociani stipendiari equites strenui, & non paucis  
exerciti bellis, ascito in partem periculi, & bonæ spei,  
Optimatum quorundam Polonorum subsidario pedi-  
te, ad



te, ad motis scalis, Duce primordia insultus auspicāte,  
qui viam ferro patefacientes, muros feliciter occupāt.  
Altera ex parte duce Martino Waiero Germani milites  
aperto mortis discrimine, scalarum itidem adminiculo,  
ad sūmitates muri pertinaci animo nitūtur. Non  
defuit, distracto licet hosti, mira in defendendo celeritas  
& promptitudo. Nam multa vi & impressione facta  
nostros propellant, adhibita etiam meliercularum  
quæ feruenti pice succedētium capita perfunderēt, opera.  
Sed dum quā se nostri ingerant attenti, cetera verò  
negligunt Moschi, Dorostaičius M. Ducatus Lit.  
Mareschalus & Albertus Nowodorski Polonus Eques  
Militenſis, cum Regiis præſidiariis, suorum etiam  
equitum adhibito auxilio, silenti agmine currunt, ad  
canalem exonerandæ aquæ accomodatum, per amplū  
quidem, sed cratibus ferreis impeditum. Hoc in loco  
magnam vim pulueris intrati per artem dispositam, subiciunt,  
cuius impulsu ingenti, fragore terribili agmina  
dissiliunt, spatium introitus triginta cubitos latum  
pandunt, quo repente miles Ductorum vestigiis inuolat,  
signa explicans, proxima quæquæ occupat. Porro  
dum ita tribus in locis res strenuè & ex voto agitur, Felinensis  
præſidii Præfectus, adductis manipuli sui militibus,  
cum certa peditum manu, ad foramen multo ante  
excussum quod caſtrorum nostrorum situm respicit,  
& quo hostis summa quæquæ ad defendendum contulerat,



lerat, facit impetum, indeq; admirabili facilitate propugnatores depellit. Consternatus hic Moschus, & inopinata vndiq; irruptione perculsus, acie victoribus turpiter cedit. Atrox interea oritur cades, occumbunt plurimi, & aream, ut quisque in fugam effusus ceciderat, cadaueribus cooperiunt; reliqui latebrarum beneficio frustra se committunt. Pedites etenim concursu ad ianuas domiciliorum facto illas diruunt, abdita explorant, omni spe vitæ præcisa ad mortem cogunt. Nullus clementiæ locus, aut deprecationi reliquus fuerat, si fæmineum sexum, & masculos tenera adhuc ætate exceperis. Korzak Palatini minoris fûctus officio in vinculis adducitur. Præterea Metropolita ex Sacrarum ædium penetralibus, amictus Pontificali splendida & preciosa, ut litaturo mos erat, veste in omnium oculis sistitur, saucius tamen ex vulnere à quopiam gregario importunè feruente. Sein verò qui se in munitissimū propugnaculum abdiderat, cum nonnullis equestris ordinis hominibus, licet primis rumoribus puluere tormentario interiisse diceretur, inuentus, supplexq; Regiæ M. accidit. Seruatur incolumis, ut quantum cuiq; loco apparatu bellico sit prouisum, suo tempore documento esse possit. Porro cum ad Monasterium procederent, agmen nostrum vnius decrepitæ anus, quæ in cuniculis dispositum puluerem ad discerpendum succedentem militem, latere intimauerat, saluatam.

**Pauci**



Pauci eo prælio ex nostris desiderati, non amplius quā  
decim, ceteris illustrior Gorecki Centurio. Hostes  
quā ferro, quā flamma absumpti plurimi. Obrutus qui-  
dam ruderibus ex ædituis Monasterii, octodecim die-  
bus sine cibo & potu superuixit, aliis omnibus enectis,  
qui simul ac erutus est, & illo periculo liberatus, statim  
vitam cum morte commutauit. Contigit & illud non  
minus mirabile quod cuius veritatem, si dictorum fi-  
dem suspectam habeat, persuadere poterit. Vigesima  
sexta Iunii cum Rex iustraturus arcem venisset, examē  
apum eum subsecutum est, quod inclusum alueari ha-  
riolorum coniectura spondet perpetuæ pacis, stabili-  
tatem. Ita demum supplicationes publicæ per Illmū &  
Reuemū D. Albertū Baranowski Archiepiscopū Gne-  
sneñ. decrete; cum toto expeditionis tēpore maximè  
feruerent, Diuina bonitas omnia in melius, temporis  
etiam interposita mora transferendo; arcem, muro cu-  
bitos nouē lato, triginta octo fortissimis turribus fir-  
matam, amplius ducentis machinis bellicis, ingenti  
globorum, ac pulueris tormentarii copia, octo insu-  
per propugnatorum millibus, & comœatu plurimo  
munitam, Regis pietati, prudentiæ, & inuictæ constan-  
tiæ, fortitudini militum ad Patriæ & nominis Po-  
loni decus sempiternum, obtulit  
recuperandam.



recuperação



